

全上古三代秦漢三國六朝文

全後漢文目錄

光武帝 卷一至卷二

明帝 卷三

章帝 卷四至卷五

和帝

安帝 已上卷六

順帝

桓帝 已上卷七

靈帝

少帝

獻帝 已上卷八

明德馬后

章德竇后

和熹鄧后

順烈梁后

桓思竇后

獻廢伏后 已上卷九

臨邑侯復

東海王彊

沛王輔

東平王蒼

廣陵王荆

梁王暘

清河王慶

已上卷十

劉玄

李淑

李軼

劉盆子

王昌

盧芳

隗囂

方望

方陽

張玄

公孫述

李熊

荆邯

楊春卿

楊厚  
已上卷十一

侯霸

伏謙

伏隆

張純

張奮

桓譚  
已上卷十二至卷十五

蔡茂

申屠剛

蘇竟

竇融

竇憲

竇章

竇武已上卷十五

鮑永

鮑昱

鮑德

歐陽歎

鄧惲

朱勃

馬援

馬廖

馬防

馬嚴

已上卷十七

馬融卷十八

范升

陳元

杜林

杜詩

第五倫

已上卷十九

馮衍卷二十

吳漢

馮異

任光

任延

蓋延

邳彤

耿純

臧宮

董崇

來歛

來厯

朱祐

耿弇

耿舒

耿國

耿秉

耿恭

朱浮

荀子密

已上卷二十一

鄭興

鄭眾

趙熹

梁統

梁松

梁竦

梁扈

梁商

梁冀

已上卷二十二

田邑

王元

王遵

班彪

已上卷二十三

班固

班超

班勇

已上卷二十四  
至卷二十六

丁恭

尹敏

樊宏

樊儻

樊準

孫福

嚴光

鍾離意

祭形

辛臣

方儲

董鈞

劉般

劉愷

戴涉

張汜

樂俊

衛宏

董宣

禮震

桓榮

桓郁

桓麟

桓彬

桓儼

宗均

宗意

已上卷二十七

杜篤

朱暉

朱穆

已上卷二十八

任末

曹充

曹稟

吳夏

馬第伯

韋彪

謝夷吾

鄭弘

觀恂

宋元

孔通

鮑駿

朱輔

已上卷二十九

袁安

袁闔

袁紹

袁術

袁敘

袁渙

袁徽

已上卷三十

張禹

張酺

丁鴻

王充

賈逵

楊終

徐防

郭躬

周紓

樂恢

孔豐

孔僖

孔季彥

已上卷三十一

陳寵

陳忠

王阜

梁鴻

梁松

先有梁松非卽此  
已上卷三十二

魯恭

魯丕

胡滕

劉毅

劉駒騮

張敏

應順

應奉

應劭

已上卷三十三  
至卷四十一

應瑒

黃瓊

黃香

已上卷四十二

傅毅

劉廣世

孟雲

賈宗

張霸

何敞

任尚

已上卷四十三

崔駰

卷四十四

崔瑗

崔琦

崔寔

已上卷四十五至卷四十七

李邵

李固

李燮

周磐

杜崇

龐參

王堂

已上卷四十八

呂藍

鄧鷗

鄧耽

許慎

許沖

舒承梵

養奮

鄭璩

張皓

張綱

高慎

霍融

曹鳳

法雄

唐羌

尙敏

蘇順

史岑

楊倫

已上卷四十九

李尤卷五十

楊震

楊秉

楊賜

楊琦

楊彪

楊脩已上卷五十一

張衡

卷五十二至五十五

葛龔

劉珍

虞詡

朱寵

胡廣已上卷五十六

王逸

卷五十七

王延壽

翟酺

張俊

杜喬

岑宏

施延

祝諷

孟希

河南尹祉

張璫

馮緹

堂谿協

堂谿典已上卷五十八

左雄

周舉

劉光

樊長孫

吳蒼

丘訢已上卷五十九

陳龜

郎顗已上卷六十

段恭

陳球

陳珪

陳登

高賜

申屠蟠

皇甫規

虞恭

滕撫

李咸

霍諧

延篤已上卷六十一

邊韶

史徵

史弼

趙岐

趙息

趙爽一作趙嬰 已上卷六十二

田羽

郭正

陳蕃

周景

鄭郴

爰延

陳寔

陳紀已上卷六十三

張奐

張芝

張昶

張猛

張敞

前漢有張敞  
此同姓名

段熲

趙典

趙溫

宰宣

袁著

劉淑

劉梁

已上卷六十四  
劉陶已上卷六十五

劉楨

高彪

侯瑾

秦嘉

廉品

趙芬

史枳

但望

李雲

莫照

趙咨

密忠

張磐

劉洪

朱鴻

牢脩

一作牢臘

劉瑜

劉琬

已上卷六十六

襄楷

荀爽

荀悅

荀或

荀攸

已上卷六十七

臧旻

臧洪

冠榮

張儉

郭泰

徐稚

戴良

范冉

一作丹

楊喬

陽球

何休

朱儁

王允

董卓

已上卷六十八

蔡邕

卷六十九  
至卷八十九

陸康

尙書令羣

謝弼

何進

仇靖

盧慎

盧植

孫堅

夏育

馮光

陳耽一作就

曹鸞

卑整

陳雅

傅燮

傅幹

已上卷八十一

張升

酈炎

黃翻

諒輔

張文

胡母班

劉岱

劉焉

劉璋

劉表

樊毅

趙壹

張溫

程苞

和海

張均

許永

王芬

已上卷八十二

孔融

卷八十三

蓋勳

韓卓

鄭玄

趙商

張逸

氾閻

張超

邊讓

黃忠

吳匡

士孫瑞

已上卷八十四

陶謙

公孫瓡

韓馥

橋瑁

呂布

李傕

田豐

沮授

審配

已上卷八十五

劉熙

王商

宋衷

許貢

司馬徽

穎容

梁紹

田疇

李固

先有李固見卷四十  
八此李固同姓名

李術

張紘

已上卷八十六

禡衡

潘勸

高誘

仲長統

已上卷八十七  
至卷八十九

王粲

卷九十一至九十三

陳琳

卷九十二

阮瑀

徐幹

繁欽

已上卷九十三

路粹

丁沖

丁儀

丁廙

崔琰

毛玠

王脩

鮑衡

霍性

華佗

皇甫隆

張松

關羽

周瑜

魯肅

呂蒙

已上卷九十四

宦官

曹節

徐璜

朱瑀

呂強

趙祐

蹇頤

已上卷九十五

列女

曹世叔妻班昭

樊訓妻梁媯

趙宣妻杜泰姬

陳省妻楊禮珪

趙瑛妻李文姬

張亮則妻陳惠謙

賈立妻

秦嘉妻徐淑

楊彪妻袁氏

丁廙妻一作丁

已上卷九十六流妻

闕名

詔 令 上書 上言 奏 議 臺敕 符 狀 頌 賛

銘

已上卷九十七 詛 碑 墓碑文 行狀 祝嘏

雜文

流賊

黃巾

外國

南匈奴單于屯屠何

鄒善王安

釋氏

嚴佛調

僊道

褚善信

陰長生

鬼神

鮮于冀

劉伯文

盧耽

已上卷九十八至卷百六

大凡全後漢文四百六十九人

大凡全後漢文一百六卷

全後漢文目錄終

全後漢文卷一

烏程嚴可均校輯

光武帝

帝諱秀，字文叔，南陽新蔡人。景帝七世孫。王莽地皇三年與兄  
續起兵于宛。更始卽位，召爲太常偏將軍，行司隸校尉，進破虜  
大將軍，封武信侯，行大司馬事。召平王郎功封蕭王，尊拒命不  
就徵。自更始三年六月卽位于鄗，南定都洛陽。改元二建武中  
元，在位三十三年。謚曰光武皇帝，廟號世祖。

制書報耿純

建武六年

侯前奉公行法，朱英久吏曉知義理，何時當召公事相是非。然受  
堯舜之罰者，不能愛己也。已更擇國土，令侯無介然之憂。後漢耿

純傳注

封更始爲淮陽王詔

建武元年九月辛未

引續漢書

更始破敗棄城逃走妻子裸袒流冗道路朕甚愍之今封更始爲淮陽王吏人敢有賊害者罪同大逆

後漢光武紀

呂卓茂爲太傅封褒德侯詔

元年九月甲申記載漢書並作宣德侯案東觀

前密令卓茂東身自修執節淳固斷斷無他其心休休焉夫士誠能爲人所不能爲則名冠天下當受天下重賞故武王誅紂封比干之墓表商容之閭今呂茂爲太傅封褒德侯食邑二千戶賜几杖車馬衣一襲絮五百斤復呂茂長子戎爲大中大夫次子崇爲中郎給事黃門

後漢卓茂傳載文類聚四十六御覽二百十又書抄五十二引漢官儀

差錄功臣詔

二年正月庚辰

人情得足苦于放縱快須臾之欲忘慎罰之義惟諸將業遠功大誠欲傳于無窮宜如臨深淵如履薄冰戰戰慄慄日慎一日其顯效未酬名籍未立者大鴻臚趣上朕將差而錄之

後漢光武紀

赦詔

二年三月乙未袁

宏紀作三月乙酉

其赦天下。惟殘賊用刑戮深刻。獄多冤人。朕甚愍之。自今已後有犯者。將正厥辜。藝文類聚五十  
二引續漢書

惟酷吏殘賊用刑深刻。獄多冤人。朕甚愍之。孔子不云乎。刑罰不中。則民無所措手足。其與諸中二千石諸大夫議省刑罰。袁宏後漢紀圓

頃獄多冤人。用刑深刻。朕甚愍之。孔子云。刑罰不中。則民無所措

手足。其與中二千石諸大夫博士議郎議省刑法。後漢光武紀

禁拘執詔二年五月癸未

民有嫁妻賣子。欲歸父母者。恣聽之。敢拘執論如律。

後漢光武紀

復宗室列侯子孫詔二年十二月戊午

惟宗室列侯爲王莽所廢。先靈無所依歸。朕甚愍之。其竝復故國。若侯身已歿。屬所上其子孫見名。尙書封拜。

後漢光武紀

惟列侯爲王莽所廢。先祖魂神無所依歸。朕甚愍之。列侯身廢者。國如故。身死若子孫見在。令繼其先焉。

袁宏後漢紀四

得聖綏祠高廟詔

三年二月己酉

羣盜縱橫，賊害元元。益子竊尊號，亂惑天下。朕奮兵討擊，應時崩解，十餘萬眾，束手降服。先帝聖綏歸之王府，斯皆祖宗之靈，士人之力。朕曷足当之享斯哉？其擇吉日祠高廟，賜天下長子當爲父後者爵一級。後漢光武紀

寬吏罪詔

三年七月庚辰

吏不滿六百石，下至墨綬長相，有罪先請。男子八十以上，十歲以下，及婦人從坐者，自非不道，詔所名捕，皆不得繫。當驗問者，卽就驗女徒，雇山歸家。後漢光武紀

報朱浮詔

三年

往年赤眉跋扈長安，吾策其無穀必東，果來歸降。今度此反虜勢無久全，其中必有內相斬者。今軍資未充，故須俟麥耳。後漢朱浮傳

報耿弇詔

四年

將軍出身舉宗爲國所向陷敵功勳尤著何嫌何疑而欲求徵且與王常共屯涿郡勉思方略自成功業

袁宏後漢紀四  
後漢耿弇傳

憂旱詔

五年五月丙子

久旱傷麥秋種未下朕甚憂之將殘吏未勝獄多冤結元元悲恨感傷天地乎其令中都官三輔郡國出繫囚罪非犯殊死一切勿案見徒免爲庶人務進柔良退貪酷各正厥事焉

後漢光武紀

使樊宏迎耿況詔

五年

惟況功大不宜監察從事邊郡寒苦不足久居其詣行在所

後漢耿弇傳

袁宏引  
袁崧書

龐萌反下詔

五年四月

吾嘗于眾人中言萌可爲社稷臣將軍等得無笑吾言老賊當族

其名勵兵馬會睢陽

袁宏後漢紀五又見後漢紀光武紀  
萌傳作與諸將書與此小異

詔書勞藍延

五年

龐萌一夜反畔，相去不遠，營壁不堅，始令人齒欲相擊，而將軍聞之，夜告臨淮，楚國有不可動之節，吾甚美之。後漢蓋延傳注引東觀記及續漢書

勞耿弇

五年十月

昔韓信破歷下，已開基。今將軍攻祝阿，已發迹。此皆齊之西界，功足相方。而韓信襲擊已降將軍，獨拔勁敵，其功乃難于信也。又田橫烹酈生，及田橫降，高帝詔衛尉不聽爲仇。張步前亦殺伏隆，若步來歸命，吾當詔大司徒釋其怨。又事尤相類也。將軍前在南陽，建此大策，常已爲落落難合。有志者事竟成也。後漢耿弇傳此招口語，已載入

兩漢詔令故錄之

詔遣周黨

五年

許由不仕，有唐帝德不衰。夷齊不食周粟，王道不虧。不忍使黨久遼巡于汗君之朝，其賜帛四十匹，遣歸田里。袁宏後漢紀五

呂范升奏示公卿詔

自古堯有許由巢父，周有伯夷叔齊，自朕高祖有南山四皓，自古聖王皆有異士，非獨今也。太原周黨不食朕祿，亦各有志焉。袁宏後漢紀

五  
紀

自古明王聖主必有不賓之士，伯夷叔齊不食周粟，太原周黨不食朕祿，亦各有志焉。其賜帛五十匹。後漢周黨傳

給廩詔

六年正月辛酉

往歲水旱蝗蟲爲災，穀價騰躍，人用困乏。朕惟百姓無臣自瞻，惄然愍之。其命郡國有穀者給廩，高年鰥寡孤獨及篤癃無家屬貧不能自存者如律二千石勉加循撫，無令失職。後漢光武紀

詔報馮異

方等

將軍之于國家，義則君臣恩猶父子，何嫌何疑，而有懼意？袁宏後漢紀五後漢周黨異傳

赦隗囂所誣誤及遭赤眉難者詔

六年五月辛丑

惟天水隴西安定北地吏人爲隗囉所誣誤者又三輔遭難赤眉有犯法不道者自殊死呂下皆赦除之

後漢光武紀

省減吏員詔

六年六月辛卯

夫張官置吏所曰爲人也今百姓遭難戶口耗少而縣官吏職所置尚繁其令司隸州牧各實所部省減吏員縣國不足置長吏可并合者上大司徒大司空二府

後漢光武紀

因日食下詔

六年十月丁丑

吾德薄不明寇賊爲害彊弱相凌元元失所詩云日月告凶不用其行永念厥咎內疚于心其敕公卿舉賢良方正各一人百僚並上封事無有隱諱有司修職務遵法度

後漢光武紀

田租三十稅一詔

六年十二月癸巳

頃者師旅未解用度不足故行什一之稅今軍士屯田糧儲差積其令郡國收見田租三十稅一如舊制

後漢光武紀又見袁宏後漢紀五有刪節

賜馮異詔

六年冬

倉卒蕪蕘亭豆粥廩沱河麥飯厚意久不報

後漢馮異傳又見袁宏後漢紀五少帝崩

報寶融詔

每追念外屬孝景皇帝出自寶氏定王景帝之子朕之所祖昔魏  
其一言繼統曰正長君少君尊奉師傅修成淑德施及子孫此皇  
太后神靈上天祐漢也從天水來者寫將軍所讓阤幕書痛入骨  
髓畔臣見之當股慄慙愧忠臣則酸鼻流涕義士則曠若發矇非  
忠孝慈誠孰能如此豈其德薄者所能克堪囂自知失河西之助  
族禍將及欲設閒離之說亂惑真心轉相解構呂成其姦又京師  
百僚不曉國家及將軍本意多能採取虛偽誇誕妄談令忠孝失  
望傳言乖實毀譽之來皆不徒然不可不思今關東盜賊已定大  
兵今當悉西將軍其抗厲威武呂應期會

後漢寶融傳

詔右扶風

六年

右扶風修理融父墳塋祠官太牢

後漢書  
融傳

赦殊死曰下詔

七年正月丙申

中都官三輔郡國出繫囚非犯殊死皆一切勿案其罪見徒免爲庶民耐罪亡命吏官文除之

後漢光武紀

詔羣臣

正月

羣臣奏事無得言聖人

官輯聚珍本  
東觀漢記

薄葬詔

同上

世子厚葬爲德薄終爲鄙至于富者奢儕貧者殫財法令不能禁禮義不能止倉卒乃知其咎其布告天下令知忠臣孝子慈兄弟薄葬送終之義

後漢光武紀

罷輕車騎士等詔

七年三月丁酉

今國有眾軍並多精勇宜且罷輕車騎士材官樓船士及軍假吏令還復民伍

後漢光武紀

日食求言詔

七年

三月癸亥

吾德薄致災謫見日月戰慄恐懼夫何言哉今方念愆庶消厥咎其令有司各修職任奉遵法度惠茲元元百僚各上封事無有所諱其上書者不得言聖

後漢光武紀

舉賢良方正詔

七年四月壬午

比陰陽錯謬日月薄食百姓有過在予一人大赦天下公卿司隸州牧舉賢良方正各一人遣詣公車朕將覽試焉

後漢光武紀又袁宏後漢紀六

自此及前日食求言合爲一詔  
繫于正月癸亥晦與范史不同

禁拘制奴婢下妻詔

七年五月

吏人遭饑亂及爲青徐賊所略爲奴婢下妻欲去畱者恣聽之敢拘制不還呂賣人法從事

後漢光武紀

詔三公議郊祀

七年五月

漢當郊堯其與卿大夫博士議

續漢祭祀志上

詔告隗囂

八年

若束手自詣父子相見保無佗也高皇帝云橫來大者王小者侯若遂欲爲黥布者亦自任也

後漢隗囂傳

呂河南尹王梁爲濟南太守詔

七年

梁前將兵征伐眾人稱賢故擢典京師建議開渠爲人興利旅力既愆迄無成功百姓怨謗談者譙譙雖蒙寬宥猶執謙退君子成人之美其曰梁爲濟南太守

後漢王梁傳

詔來歛

八年

桃花水出船槳皆至郁夷陳倉分部而進

水經渭水上注引東觀漢記隗囂圖來歛于略

附世祖

詔賜祭遵吏士祿

八年

將軍連年距難眾兵卽卻復獨按部功勞爛然兵退無宿戒糧食不豫具今乃調度恐力不堪國家知將軍不易亦不遺力今送縑

十四日賜吏士

後漢祭道傳  
注引東觀記

封竇融爲安豐侯詔

八年

行河西五郡大將軍涼州牧張掖屬國都尉竇融執志忠孝扶微  
救危仇疾反虜魄羣率厲五郡精兵羌胡畢集兵不血刃而虜士  
崩瓦解功既大矣篤意分明斷之不疑吾甚嘉之其曰安豐陽泉

官職本東觀記又執文  
類聚五十一引東觀記

報竇融求代詔

八年

吾與將軍如左右手耳數報謙退何不曉人意勉循士民無擅離  
部曲後漢書  
融傳

追尊諡陰貴人父弟詔

九年

吾微賤之時娶于陰氏因將兵征伐遂各別離幸得安全俱脫虎  
口自貴人有母儀之美宜立爲后而固辭弗敢當列于媵妾朕嘉  
其義讓許封諸弟未及爵土而遭患逢禍母子同命愍傷于懷小

雅曰。將恐將懼。惟予與汝。將安將樂。汝轉棄予。風人之戒。可不慎乎。其追爵謚貴人父陸爲宣恩哀侯。弟訢爲宣義恭侯。曰弟就嗣哀侯後。及戶柩在堂。使太中大夫拜授印綬。如在國列侯禮。魂而有靈。嘉其寵榮。後漢光烈皇后紀

禁殺奴婢詔

十一年二月己卯

天地之性。人爲貴。其殺奴婢。不得減罪。

後漢光武紀

敢炙灼奴婢。論如律。免所炙灼者爲庶民。

後漢光武紀

詔報岑彭

十一年春

大司馬習用步騎不曉水戰。荆門之事。一由征南公爲重而已。

後漢

岑彭傳又見袁宏後漢紀六

原丁邯詔

漢中太守妻乃繫南鄭獄。誰當搔其背垢者。懸牛頭賣馬脯。盜跖行孔子語。召邯服罪。且邯一妻冠履勿謝。

續漢百官志三注補引史錄注丁邯遷漢中太

守妻弟爲公孫述所收裹送南  
鄒徵免冠徒跣自陳詔曰云云

免隴蜀民爲奴婢者詔十二年三月癸酉

隴蜀民被略爲奴婢自訟者及獄官未報一切免爲庶民後漢光武紀

詔書告吳漢

直擁兵到成都據其心腹後城營自解散

官輯本東觀漢記

詔書戒吳漢

成都十萬餘眾不可輕也且堅據廣都城去之五十里待其卽營攻城罷倦引去乃首尾擊之勿與爭鋒述兵不敢來轉營卽之移徙輒自堅

官輯本東觀漢記

廣都去成都五十里述若來攻待其困弊而攻之勿與爭鋒述若不來轉營逼之彼必堅壁

袁宏後漢紀六

成都十餘萬眾不可輕也但堅據廣都待其來攻勿與爭鋒若不敢來公轉營迫之須其力疲乃可擊也

後漢吳漢傳案此詔三見皆小異故並錄之

喻公孫述詔

十二年夏

往年詔書比下，開示恩信。勿召來歎，彭受害自疑。今召時自詣，則家族完全。若迷惑不喻，委肉虎口，痛哉！奈何將帥疲倦，吏士思歸，不欲久相屯守？詔書手記不可數得，朕不食言。後漢公孫述傳

察舉詔

十二年八月乙未

三公舉茂才各一人，廉吏各二人。光祿歲舉茂才四行各一人，察廉吏三人，中二千石歲察廉吏各一人。廷尉、大司農各二人，將兵將軍歲察廉吏各二人。監察御史司隸州牧歲舉茂才各一人。續漢官志一注補

下詔讓劉尚

十二年十一月

城降三日，吏人從服，孩兒老母，口已萬數。一旦放兵縱火，聞之可爲酸鼻。家有敝壺，享之千金。尚宗室子孫，故嘗更吏職。何忍行此，仰視天，俯視地，觀于放麑啜羹之義。二者孰仁，良失斬將弒人之

義也

官輒本東觀漢記又見後漢公孫述傳

詔邊吏

十二年十二月

邊吏力不足戰則守追虜料敵不拘

自逗畱法

後漢光武紀

禁郡國獻異味詔

十三年正月戊子

往年敕郡國勿因計吏有所進獻今故未止非徒勞役道途所過未免煩費已敕太官勿復受其遠方食物乘輿口實可自薦宗廟者卽如舊制

袁宏後漢紀七

往年已敕郡國異味不得有所獻御今猶未止非徒有豫養導擇之勞至乃煩擾道上疲費過所其令太官勿復受明敕下遠方口實所自薦宗廟自如舊制

後漢光武紀

臨弔侯霸詔

十三年正月

惟霸積善之德久而益彰清潔之操白首彌厲漢之舊制丞相拜日封爲列侯頃日軍旅暴露功臣未受國邑緣忠臣之心不欲先

饗其寵故未爵命其追爵謚霸使襲其後

袁宏後漢紀七侯霸薨上傷惜之親自臨弔詔

于是封霸爲列侯

鄉族謚曰哀侯

惟霸積善清潔視事九年漢家舊制丞相拜日封爲列侯朕曰軍師暴露功臣未封緣忠臣之義不欲相踰未及爵命奄然而終嗚呼哀哉後漢侯傳

改長沙王等爲侯詔

十三年二月丙辰

長沙王興真定王得河間王邵中山王茂皆襲爵爲王不應經義其子興爲臨湘侯得爲真定侯邵爲樂成侯茂爲單父侯後漢光武紀免益州民爲奴婢者詔

十三年十二月

益州民自八年以來被略爲奴婢者皆一切免爲庶民或依託爲人下妻欲去者恣聽之敢拘畱者比青徐二州亡略人法從事後漢光武紀

紀光武

檢核州郡墾田及戶口詔

十五年

刺史太守多爲詐巧不務實核苟曰度田爲名聚人田中并度廬  
屋里落聚人遮道啼呼

官輯本東觀漢紀又見後漢光武紀注

廢郭后立陰后詔

十七年十月辛巳

皇后懷執怨懟數違教令不能撫循它子訓長異室宮闈之內若見鷹鵠既無關雎之德而有呂霍之風豈可託曰幼孤恭承明祀今遣大司徒涉宗正吉持節其上皇后聖綏陰貴人鄉里良家歸自微賤自我不見于今三年宜奉宗廟爲天下母主者詳案舊典時上尊號異常之事非國休福不得上壽稱慶

後漢光烈陰皇后紀

不可曰奉供養

續漢五  
行志六

蠲邊郡盜穀罪詔

十八年四月癸酉

今邊郡盜穀五十斛罪至于死閼殘吏妄殺之路其蠲除此法同

之內郡

後漢光武紀

廟祭詔

十九年

昌宗廟處所未定。且祫祭高廟。其成哀平。且祠祭長安故高廟。其南陽春陵歲時各且因故園廟祭祀。園廟去太守治所遠者。在所令長行太守事侍祠。惟孝宣帝有功德。其上尊號曰中宗。續漢祭祀志下

立皇太子詔

十九年六月

春秋之義。立子曰貴。東海王陽皇后之子。宜承大統。皇太子彊。崇執謙退。願備藩國。父子之情重。久違之。其曰彊爲東海王。立陽爲

皇太子。改名莊。

後漢光武紀

迎詔寶融。勿得讓職。

日者知公欲讓職還土。故命公暑熱且自便。今相見。且宜論他事。

勿得復言。

後漢書寶融傳又見藝文類聚五十一引東觀漢記及袁宏後漢紀六系此詔于十二年後

全後漢文卷一終

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後漢文卷一終

全後漢文卷二

烏程嚴可均校輯

光武帝

二

制詔貰侍御史

建武二十年十二月

已陳留督郵虞廷故貰御史罪

後漢虞廷傳

地震詔

二十年九月戊辰

制詔曰。日者地震南陽尤甚。夫地者任物至重。靜而不動者也。而今震裂。咎在君上。鬼神不順。無德矣。殃將及吏人。朕甚懼焉。其令南陽勿輸今年田租芻藁。遣謁者案行。其死罪繫囚在戊辰。召前減死罪一等徒。皆弛解鉗衣絲絮。賜郡中居人壓死者棺錢人三千。其口賦逋稅而廬宅尤破壞者。勿收責。吏人死亡。或在壞垣毀屋之下。而家羸弱不能收拾者。已見錢穀取備爲尋求之。

後漢光武紀

除杜喬爲丹水長詔

二十三年

公侯子孫必復其始賢者之後宜宰城邑其后裔爲丹水長後漢杜林傳

詔增百官俸

二十六年正月

前呂用度不足吏祿薄少今益其俸自三公下至佐使各有差

官輯

本東觀漢記

營壽陵詔

四月

無爲山陵陂池裁令流水而已迭興之後亦無丘壘使合古法今  
日月已逝當豫自作臣子奉承不得有加

官輯本東觀漢記四月始營陵地于臨平亭南

詔

臨平望平陰河水洋洋舟船泛泛善矣夫周公孔子猶不得存安  
得松喬與之而共遊乎文帝曉終始之義景帝所謂孝子也故遭  
反覆霸陵獨完非成法耶

同上乃令陶人作瓦器又曰云云

古者帝王之葬皆陶人瓦器木車茅馬使後世之人不知其處太

宗識終始之義景帝能述遵孝道遭天下反覆而霸陵獨完受其

福豈不美哉今所制地不過二三頃無爲山陵陂池裁令流水而

已

後漢光武紀下初作壽陵將作大匠竇融上言闕陵廣袤無慮所用帝曰云云案此與東觀記互有刪節故竝錄之

行禘祫祭詔

二十六年

禘祫之祭不行已久矣三年不爲禮禮必壞三年不爲樂樂必崩

宜據經典詳爲其制

後漢張純傳

二府去大詔

二十七年五月丁丑

昔契作司徒禹作司空皆無大名其令二府去大

後漢光武紀

報臧宮馬武請滅匈奴詔

二十七年

黃石公記曰柔能制剛弱能制彊柔者德也剛者賊也弱者仁之助也彊者怨之歸也故曰有德之君臣所樂樂人無德之君臣所樂樂身樂人者其樂長樂身者不久而亡舍近謀遠者勞而無功舍遠謀近者逸而有終逸政多忠臣勞政多亂人故曰務廣地者

荒務廣德者彊有其有者安貪人有者殘殘滅之政雖成必敗今國無善政災變不息百姓驚惶人不自保而復欲遠事邊外乎孔子曰吾恐季孫之憂不在顓臾且北狄尚彊而屯田警備傳聞之事恆多失實誠能舉天下之半旨滅大寇豈非至願苟非其時不如息人後漢記

減死罪詔

二十八年十月

死罪繫囚皆一切募下蠶室其女子宮

後漢光武紀

減罪詔

二十九年四月

令天下繫囚自殊死已下及徒各減本罪一等其餘贖罪輸作各有差後漢光武紀下

拒羣臣請封禪詔

三十年

炎異連仍日月薄食百姓怨歎而欲有事于泰山汚七十二代編錄㠭羊皮雜貂裘何強顏耶官韓本東觀漢記

卽位三十年百姓怨氣滿腹吾誰欺欺天乎曾謂泰山不如林放何汚七十二代之編錄桓公欲封管仲非之若郡縣遠遣吏上譯

虛稱盛美必髡兼令屯田

續漢祭祀志上

詔許梁松等封禪

中元元年

許昔小白欲封夷吾難之季氏欲旅仲尼非焉蓋齊諸侯季氏大夫皆無事于泰山今子末小子巡祭封禪德薄而任重一則曰喜一則曰懼喜于得承鴻業帝堯善及子孫之餘賞蓋應圖籙當得是當懼于過差執德不弘信道不篤爲議者所誘進後世知吾罪深矣

續漢祭祀志下  
注引東觀書

遺詔

二年二月戊戌

朕無益百姓皆知孝文皇帝制度務從約省刺史二千石長吏皆無離城郭無遣吏及因郵奏

後漢光武紀

呂張況爲常山關長詔

已下年月未詳

家人居不足贍且呂一縣自養

後漢張禹傳注引東觀記祖父況遷涿郡太守時年八十不任兵馬

上疏乞身詔云云復呂況爲常山關長會赤眉攻關城況出戰死

案此詔當在元二年間

呂王閼子補吏詔

武王克殷委商容之間閼修善謹敕兵起吏民獨不爭其頭首今

呂閼子補吏

漢書董賢傳王閼王莽時爲牧守所居見紀莽敗迺去官世祖下詔

賜張堪詔

平陽丞李善稱故令范遷于張堪令人面熱汗出其賜堪新綿百

匹呂袁廉吏

御覽三百八十七引東觀記

四科取士詔

方今選舉賢俊朱紫錯用丞相故事四科取士一曰德行高妙志節清白二曰學通行修經中博士三曰明達法令足呂決疑能案章覆問文中御史四曰剛毅多略遭事不惑明足呂決才任三輔令皆有孝悌廉公之行自今呂後審四科辟召及刺史二千石察

茂才尤異孝廉之吏務盡實覈選擇英俊賢行廉潔平端于縣邑  
務授試召職有非其人臨計過署不便習官事書疏不端正不如  
詔書有司奏罪名竝正舉者續漢百官志一注引  
漢官儀世祖詔云云

賜侯將軍詔

卿歸田里曷不令妻子從將軍老矣夜臥誰爲搔背痒也

詔褒牛牢

朕幼交牛君真清高士也恆有疾州郡之官者常親到家致意焉

御覽五百八引

皇甫謐高士傳

拜鄧禹爲大司徒策

元年七月辛未

制詔前將軍鄧禹深執忠孝與朕謀謨帷幄決勝千里孔子曰吾  
自有同門人日親斬將破軍平定山西功效尤著百姓不親五品  
不訓汝作司徒敬敷五教五教在寬今遣奉車都尉授印綬封爲  
鄭侯食邑萬戶敬之哉後漢鄧禹傳又見袁宏後漢紀  
三上璽書勢鄧禹云云有剛節

封功臣策

二年正月庚辰

在上不驕高而不危制節謹度滿而不溢敬之戒之傳爾子孫長

爲漢藩

後漢光武紀

贈來歙策

十一年

中郎將來歙攻戰連年平定羌隴憂國忘家忠孝彰著遭命遇害嗚呼哀哉使太中大夫贈歙中郎將征羌侯印綬謚曰節侯謁者護喪事後漢來歙傳

敕鄧禹

元年

司徒堯也亡賊桀也長安吏人遑遑無所依歸宜召時進討鎮慰西京繫百姓之心後漢鄧禹傳

敕諸將

元年十二月

賊若東走可引宜陽兵會新安賊若南走可引新安兵會宜陽後漢子傳

密敕耿純

二年

劉揚若見因而收之

後漢耿純傳

徵鄧禹還軍敕

二年

赤眉無穀自當來東吾折捶笞之非諸將憂也無得復妄進兵

後漢

鄧禹傳

勒兵堅守慎無與窮寇交鋒老賊疲弊必當束手事吾也已飽待

飢已逸擊勞折捶而笞之耳

後漢紀

敕馮異

二年十一月

三輔遭王莽更始之亂又遇赤眉延岑之弊兵家縱橫百姓塗炭將軍今奉辭討諸不軌兵家降者遣其渠帥皆詣京師散其小民令就農桑壞其營壘無使復聚征伐非在遠戰掠地多得城邑要在平定安集之耳吾諸將非不健鬪然多好虜掠爲小民害卿本能撫吏士勉自修整無爲郡縣所苦

袁宏後漢光武紀四又見後漢馮異傳有刪節

敕蓋延四年

可直往擣鄴則蘭陵必自解後漢蓋延傳

敕岑彭書八年

兩城若下便可將兵南擊蜀虜人苦不知足既平隴復望蜀每一發兵頭鬚爲白後漢岑彭傳

敕吳漢八年

諸部甲卒俱坐費糧食若有逃亡則沮敗眾心宜悉罷之後漢吳漢傳

璽書勞馮異三年

赤眉破平士吏勞苦始雖垂翅回谿終能奮翼迴池可謂失之東隅收之桑榆方論功賞已答大勳後漢馮異傳

璽書賜竇融五年

制詔行河西五郡大將軍事屬國都尉勞鎮守邊五郡兵馬精彊倉庫有蓄民庶殷富外則折挫羌胡內則百姓蒙福威德流聞虛

心相望，道路隔塞。邑邑何已，長史所奉書獻馬悉至，深知厚意。今益州有公孫子陽、天水有隗將軍，方蜀漢相攻，權在將軍舉足左右，便有輕重。呂此言之欲相厚，豈有量哉？諸事具長史所見，將軍所知，三者迭興，千載一會。欲遂立桓文輔微國，當勉卒功業，欲三分鼎足，連衡合從，亦宜。呂時定天下未并，吾與爾絕域，非相吞之國。今之議者，必有任鄧效尉佗制七郡之計。王者有分土，無分民，自適己事而已。今呂黃金二百斤賜將軍，便宜輒言。

後漢竇融傳

璽書勞馮異

七年

制詔大司馬虎牙建威漢中捕虜武威將軍虜兵狠下三輔驚恐。栒邑危亡，在于旦夕。北地營保按兵觀望，今偏城獲全，虜兵挫折，使耿定之屬復念君臣之義，征西功若丘山，猶自已爲不足。孟之反奔而殿，亦何異哉？今遣太中大夫賜征西吏士死傷者醫藥棺斂，大司馬已下親弔死問疾，已崇謙讓。

後漢馮異傳

拘邑孤危，亡在旦夕。諸將狐疑，莫有先發。將軍獨決奇算，摧敵殄寇，功如丘山，猶若不足。雖孟反後入，無以過也。今遣太中大夫賈

醫藥，殯殮之具，召賜吏士。其死傷者，大司馬已下親弔問之。召崇

謙讓。

袁宏後漢紀六傳多出諸將狐疑已下四語

案此校本

璽書賜陳俊八年

將軍元勳大著，威震青徐。兩州有警，得專征之。

後漢陳俊傳注引華嶠書又見袁宏

後漢紀三

璽書賜馮異九年

聞吏士精銳，水火不避。構賞之賜，必不令將軍負丹青，失斷金也。

後漢馮異傳注引東觀記

璽書賜侯霸

崇山幽都，何可偶。黃鉞一下，無處所。欲召身試法邪？將殺身召成

仁邪？

後漢馮異傳

報馮異 建武元年

季文多詐人不能得其要領今移其書告守尉當警備者

袁宏後漢紀三

馮異奏李恢  
書王報異

報鄧禹 元年

縛馮愔者必黃防也

後漢郡禹傳

與朱伯然書 元年

交鋒之日神星晝見太白清明

北堂書鈔百五十引東觀漢紀又見御覽五案光武紀朱鮒遣討

難將軍蘇茂攻溫馮異寇恂與戰大破之斬其將賈彊于是諸將議上尊號及卽位使吳漢等十一將軍圍朱鮒于洛陽此云交鋒卽其時也節字

手書報隗囂 三年

慕樂德義思相結納昔文王三分猶服事殷但駕馬鎗刀不可強扶數蒙伯樂一顧之價而蒼蠅之飛不過數步卽託驥尾得目絕羣隔于盜賊聲問不數將軍操執欵欵扶傾救危南距公孫之兵

北禦羌胡之亂。是呂馮異西征，得呂數千百人，躡躅三輔，微將軍之助，則咸陽已爲他人禽矣。今關東寇賊往往屯聚，志務廣遠，多所不暇，未能觀兵成都，與子陽角力。如令子陽到漢中三輔，願因將軍兵馬鼓旗相當，儻肯如言，蒙天之福，卽智士計功割地之秋也。管子曰：生我者父母，成我者鮑子。自今呂後手書相聞，勿用旁人解搆之言。後漢隗蘀傳

讓蓋延

四年

閒欲先赴鄴者，臣不意故耳。今旣奔走，賊計已立，圍豈可解乎？

後漢

蓋延

報劉興書

六年

欲復進兵，恐失其頭首也。

耿珍本東觀漢記代郡太守劉興將數百騎攻賈覽上狀檄至帝知其必敗報書

賜隗蘀書

六年

昔柴將軍與韓信書云：陛下寬仁，諸侯雖有亡叛而後歸，輒復位號不誅也。已纂文吏曉義理，故復賜書，深言則侶不遙，略言則事不決。今若束手復遣恂弟歸闕廷者，則爵祿獲全，有浩大之福矣。

吾年垂四十，在兵中十歲，厭浮語虛辭，卽不欲勿報。後漢魄

晉傳

與公孫述書

六年

圖讖言公孫卽宣帝也。代漢者當塗高，君豈高之身邪？乃復已掌文爲瑞，王莽何足效乎？君非吾賊臣亂子，倉卒時人皆欲爲君事耳，何足數也。君日月已逝，妻子弱小，當早爲定計，可已無憂。天下神器，不可力爭，宜畱三思。後漢公孫述傳

西狩獲麟讖曰：乙子卯金，卽乙未歲，授劉氏，非西方之守也。光廢昌帝，立子公孫卽霍光廢昌邑王立孝宣帝也。黃帝姓公孫，自昌土德，君所知也。漢家九百二十歲，已蒙孫亡，受已丞相，其名當塗高，高豈君身邪？吾自繼祖而興，不稱受命，求漢之斷，莫過王莽近

張滿作惡，兵圍得之。欵曰：爲天文所誤，恐君復誤也。

華陽國志

報陳俊

八年

東州新平大將軍之功也。負海猾夏盜賊之處，國家昌爲重憂。且勉鎮撫之。

後漢陳俊傳又見袁宏後漢紀三

讓吳漢

十二年

比敕公千條萬端，何意臨事勃亂。既輕敵深入，又與尚別營，事有緩急，不復相及。賊若出兵緻公，昌大眾攻尚，尚破公即敗矣。幸無它者，急引兵還廣都。

後漢吳漢傳

報吳漢

十二年

公還廣都，甚得其宜。述必不敢略尚而擊公也。若先攻尚，公從廣都五十里悉步騎赴之，適當值其危困，破之必矣。

後漢吳漢傳

迎下鮑永書

君晨夜冒犯霜露，精神亦已勞矣。昌君幃帳近臣，其目爲兗州牧。

後漢鮑永傳  
注引東觀記

報鄧善王二十二年

今使者大兵未能得出如諸國力不從心東西南北自在也

後漢西域傳

戒馮勤二十七年

傳

朱浮上不忠于君下陵轢同列竟自中傷至今死生吉凶未可知  
豈不惜哉人臣放逐受誅雖復追加賞賜贈祭不足自償不訾之  
身忠臣孝子覽照前世自爲鏡戒能盡忠于國事君無二則爵賞  
光乎當世功名列于不朽可不勉哉

後漢馮勤傳

即位祭告天地文

皇天上帝后土神祇瞻顧降命屬秀黎元爲民父母秀不敢當羣  
下百僚不謀同辭咸曰王莽篡弑竊位秀發憤興義兵破王尋王  
邑百萬眾于昆陽誅王郎銅馬赤眉青犢賊于河北平定天下海

內蒙恩上當天地之心下爲元元所歸識記曰劉秀發兵捕不道  
卯金修德爲天子秀猶固辭至于再至于三羣下僉曰皇天大命  
不可稽畱敢不敬承

後漢光武紀續  
漢書志上

告祠高廟遷呂后主

高皇帝與羣臣約非劉氏不王呂太后賊害三趙專王呂氏賴社  
稷之靈祿產伏誅天命幾墜危朝更安呂太后不宜配食高廟同  
祿至尊薄太后母德慈仁孝文皇帝賢明臨國子孫賴福延祚至  
今其上薄太后尊號曰高皇后配食地祇遷呂太后廟主于園四  
時二祭

後漢光武紀中元元年冬十月  
甲申使司空告祠高廟

賜進士出身二品銜廣東等處按刊接察使司按察使兼管驛傳事務黃岡王毓藻校刊

全後漢文卷二終

全後漢文卷三

烏程嚴可均校輯

明帝

帝諱莊。初名陽。光武第四子。建武十五年封東海公。十七年進爵爲王。十九年立爲皇太子。中元二年二月卽位。改元永平。在位十八年。謚曰孝明皇帝。廟號顯宗。

日食下三公制

永平十三年十月壬辰

冠履勿効。災異屢見。咎在朕躬。憂懼遑遑。未知其方。將有司陳事。多所隱諱。使君上壅蔽。下有不暢乎。昔衛有忠臣靈公。得守其位。今何㠭和穆陰陽。消伏災譖。刺史太守。詳刑理寬。存恤鰥寡孤獨。勉思職焉。後漢明紀

壽陵制

十四年

令流水而已。石柳廣一丈二尺。長二丈五尺。無得起墳。萬年之後。

掃地而祭，杆水脯糒而已。過百日，唯四時設奠，置吏卒數人供給。

灑掃勿聞修道

敢有所興作者

呂擅議宗廟法從事

後漢

紀

告瑞宗廟制

十七年五月戊子

天生神物，臣應王者，遠人慕化，實由有德。朕臣虛薄，何臣享斯。唯高祖光武聖德所被，不敢有辭。其敬舉觴太常擇吉日策告宗廟，其賜天下男子爵人二級，三老孝悌力田人三級，流人無名數欲占者人一級。鰥寡孤獨篤癃貧不能自存者粟人三斛。郎從官視事十歲已上者帛十四中，二千石二千石下至黃綬，貶秩奉賚。在去年已來，皆還贖。

後漢明紀

卽位恩赦詔

中元二年四月丙辰

予末小子，奉承聖業，夙夜震畏，不敢荒怠。先帝受命中興，德侔帝王，協和萬邦，格于上下，懷柔百神，惠于鰥寡。朕承大運，繼體守文，不知稼穡之艱難，懼有廢失。聖恩遺戒，顧重天下。臣元元爲首，公

卿百僚將何。昌輔朕不逮其賜天下男子爵人二級三老孝弟力  
田人三級爵過公乘得移與子若同產子及流人無名數欲自占  
者人一級鯉寡孤獨篤癃粟人十斛其施刑及郡國徒在中元元  
年四月己卯赦前所犯而後捕繫者悉免其刑又邊人遭亂爲內  
郡人妻在己卯赦前一切遣還邊恣其所樂中二千石下至黃綬  
貶罪贖論者悉皆復秩還贖方今上無天子下無方伯若涉淵水  
而無舟楫夫萬乘至重而壯者慮輕實賴有德左右小子高密侯  
禹元功之首東平王蒼寬博有謀竝可昌受六尺之託臨大節而  
不撓其昌禹爲太傅蒼爲驃騎將軍太尉憲告謚南郊司徒訢奉  
安梓宮司空飭將校復土其封憲爲節鄉侯訢爲安鄉侯飭爲揚  
邑侯後漢明紀又略見藝文類聚四十八引東觀漢記

呂東平王蒼爲驃騎將軍詔

初卽位

東平王蒼寬博有謀可昌託六尺之孤其昌蒼爲驃騎將軍

北堂書鈔

六十四引續漢書東平王傳明帝詔藝文類聚四十八  
別東觀漢記六尺之孤下多論大節而不可奪七字

恤燒何豪詔

二年

昔桓公伐戎而無仁惠故春秋貶曰齊人今國家無德恩不及遠  
羸弱何辜而當并命夫長平之暴非帝者之功咎由太守長吏妄  
加殘戮比銅鉗尚生者所在致醫藥養視令招其種人若欲歸故  
地者厚遣送之其小種若束手自詣欲効功者皆除其罪若有逆  
謀爲吏所捕而獄狀未斷悉呂賜有功者

後漢書羌傳

聽贖罪詔

二年十二月甲寅

方春戒節人呂耕桑其敕有司務順時氣使無煩擾天下亡命殊  
死已下聽得贖論死罪入縑二十匹右趾至髡鉗城旦春十四完  
城旦春至司寇作三匹其未發覺詔書到先自告者半入贖今選  
舉不實邪侯未去權門請託殘吏放手百姓愁怨情無告訴有司  
明奏罪名竝正舉者又郡縣每因徵發輕爲姦利詭責羸弱先急

下貧其務在均平無令枉刻

後漢明紀

呂吳良爲議郎詔

前呂事見更髡髮皓然衣冠甚偉夫薦賢助國宰相之職蕭何舉  
韓信設壇而拜不復考試今呂良爲議郎後漢吳良傳東平王蒼  
卿云云又見北堂書鈔五十六  
引東觀漢記有蕭何已下四句

封陰興子弟詔

永平元年

故侍中衛尉關內侯興典領禁兵從平天下當呂軍功顯受封爵  
又諸舅比例應蒙恩澤興故讓安平里菴輔導朕躬有周昌之直  
在家仁孝有曾閔之行不幸早卒朕甚傷之賢者子孫宜加優異  
其呂汝南之鮑陽封興子慶爲鮑陽侯慶弟博爲濬強侯博弟員  
丹竝爲郎後漢陰興傳附

詔東海王傅相

元年

王恭謙好禮呂德自終遣送之物務從約省衣足斂形茅車瓦器

物滅于制。臣彰王卓爾獨行之志。將作大匠。畱起陵廟。

後漢東海王彊傳又

略見袁宏  
後漢紀九

詔驃騎將軍三公

二年正月辛未

今令月吉日。宗祀光武皇帝于明堂。臣配五帝。禮備法物。樂和八音。詠祉福。舞功德。其班時令。敕羣后。事畢升靈臺。望元氣。吹時律。觀物變。羣僚藩輔宗室子孫。眾郡奉計。百蠻貢職。烏桓濱貊咸來助祭。單于侍子骨都侯亦皆陪位。斯固聖祖功德之所致也。朕臣閭陋。奉承大業。親執圭璧。恭祀天地。仰惟先帝受命中興。撥亂反正。昌寧天下。封泰山。建明堂。立辟雍。起靈臺。恢弘大道。被之八極。而肩子無成康之質。羣臣無呂旦之謀。盥洗進爵。踧踖惟慙。素性頑鄙。臨事益懼。故君子坦蕩蕩。小人長戚戚。其令天下。自殊死已下。謀反大逆。皆赦除之。百僚師尹。其勉修厥職。順行時令。敬若昊天。臣綏兆人。

後漢  
明紀

幸辟雍行養老禮詔

二年十月壬子

光武皇帝建三朝之禮而未及臨饗，眇眇小子屬當聖業，聞暮春吉辰，初行大射。今月元日，復踐辟雍，尊事三老，兄事五更，安車輶輪，供綏執授，侯王設醬，公卿饌珍，朕親袒割，執爵而醑，祝哽在前，祝噎在後，升歌鹿鳴，下管新宮，八佾具修，萬舞千庭。朕固薄德，何呂克當，易陳負乘，詩刺彼已，永念慙疚，無忘厥心。三老李躬、年耆學明、五更桓榮、授朕尚書詩曰：

袁宏紀作五更桓榮，呂尚書授朕十有餘年，周頌曰：祝我勤德，又曰：

無德不報，無德不酬。其賜榮爵關內侯，食邑五千戶，三老五更皆

呂二千石祿，養終厥身。其賜天下三老酒一石，肉四十斤，有司

其存耆耋，恤幼孤，惠鰥寡，稱朕意焉。

後漢明紀又略見袁宏後漢紀，又文選東京賦注引東觀漢記

勸農詳刑詔

三年正月癸巳

朕奉郊祀，登靈臺，見史官正儀度，夫春者歲之始也，始得其正，則

記

三時有成比者水旱不節邊人食寢政失于上人受其咎有司其  
勉順時氣勸督農桑去其螟蜮召及賊詳刑慎罰明察單辭夙  
夜匪懈臣稱朕意後漢明帝紀

報鍾離意止作北宮詔

永平三年夏

湯引六事咎在一人其冠履勿謝比上天降旱密雲數會朕戚然  
懸懼思獲嘉應故分布禱請廟候風雲北祈明堂南設雩場今又  
敕大臣止作諸宮減省不急庶消災謹

後漢鍾離意傳

報東平王蒼議世祖廟樂舞詔

三年八月丁卯

驃騎將軍議可進武德之舞如故

續漢祭祀志下注補引東觀書

下詔改樂名樂官

三年八月初卽位

尚書璇璣鈴曰有帝漢出德洽作樂名太子今且改郊廟樂曰太  
子樂太樂官曰太子樂官曰應圖識樂詩曲操曰侯君子

文選東都賦注

引東觀漢記又見後漢曹褒傳合錄之

日食求言詔

三年八月壬申

朕奉承祖業無有善政。日月薄蝕，彗孛見天。水旱不節，稼穡不成。人無宿儲，下生愁艱。雖夙夜勤思，而智能不逮。昔楚莊無災，呂致戒懼。魯哀禍大，天不降譴。今之動變，儻尚可救。有司勉思厥職，臣匡無德。古者卿士獻詩，百工箴諫。其言事者，靡有所諱。

後漢明帝紀

呂姜詩爲郎中詔

三年

大孝入朝凡諸舉者一聽平之

後漢列女姜詩妻傳

得雨勞公卿詔

四年二月辛亥

朕親耕文選東京賦注引東觀漢記有于字，藉田。呂祈農事。京師冬無宿雪，春不燠沐。煩勞羣司，積精禱求。而比再得時雨，宿麥潤澤。其賜公卿半奉。有司勉遵時政，務平刑罰。

後漢明帝紀

聽東平王蒼歸藩詔

五年二月

東平王比上書，願歸藩。上將軍印綬謙讓，日聞至誠懇惄。蓋君子

成人之美。今其聽焉。召驃騎長史爲東平王太傅。掾吏爲中大夫。令史爲王家郎。勿上將軍印綬。袁宏後漢紀九

賜執金吾馮鮑詔

十月

復道多風寒。左右老人且病瘡。多取帷帳。東西完塞。窗皆令緻密。

御覽七百四十  
二引東觀漢記

復元氏縣田租詔

十月

豐沛濟陽受命所由。加恩報德。適其宜也。今永平之政。百姓怨結。而吏人求復。令人愧笑。重逆此縣之拳拳。其復元氏縣田租更賦。六歲勞賜縣掾史及門關走卒。後漢明帝紀

獲寶鼎詔

六年四月甲子

昔禹收九牧之金。鑄鼎曰象物。使人知神姦。不逢惡氣。遭德則興。遷于商周。周德既衰。鼎乃淪亡。祥瑞之降。曰應有德。方今政化多僻。何㠯致茲。易曰。聞象三公。豈公卿奉職得其理邪。太常其㠯祐。

祭之日陳鼎于廟。自備器用賜三公帛五十匹九卿二千石半之。  
先帝詔書禁人上事言聖而閒者章奏頗多浮詞。自今若有過稱  
虛譽尚書皆宜抑而不省示不爲詔子蚩也。

後漢明帝紀

陰太后晏駕詔

七年

柩將發于殿羣臣百官陪位黃門鼓吹三通鳴鐘鼓天子舉哀女侍史官三百人皆著素參官白素引棺挽歌下殿就車黃門宦者引弓出宮省太后魂車鸞路青羽蓋駟馬龍旗九旒前有方相鳳皇車大將軍妻參乘太僕妻御悉道公卿百官如天子郊鹵簿儀

續漢禮儀志下

丁孚漢儀

臨雍禮畢詔三公

八年十月丙子

募郡國中都官死罪繫囚減罪一等勿笞詣度遼將軍營屯朔方五原之邊縣妻子自隨便占著邊縣父母同產欲相代者恣聽之其大逆無道殊死者一切募下蠶室亡命者令贖罪各有差凡徙

者賜弓弩衣糧

後漢明紀

日食求言詔

八年十月壬寅

朕已無德，奉承大業，而下貽人怨。上動三光，日食之變，其災尤大。  
春秋圖讖所謂至謹，永思厥咎，在予一人。羣司勉修職事，極言無  
諱。

後漢明帝紀

班示封事詔

八年十一月

羣僚所言，皆朕之過。人寬不能理，吏黠不能禁，而輕用人力，繕修  
宮宇，出入無節，喜怒過差。昔應門失守，關雎刺世，飛蓬隨風，微子  
所歎。永覽前戒，竦然競懼，徒恐薄德，久而致怠耳。

後漢明帝紀

報楚王英詔

八年

楚王誦黃老之微言，尚浮屠之仁祠，潔齋三日，與神爲誓，何嫌何

疑，當有悔吝。其還贍昌，助伊蒲塞桑門之盛饌。

後漢楚王英傳又袁宏後漢紀十

案後漢書釋老志作韋帝誤

詔卹徒邊者妻子九年三月

郡國死罪囚減罪與妻子詣五原朔方占著所在死者皆賜妻父若男同產一人復終身其妻無父兄獨有母者賜共母錢六萬又復其口算後漢明紀

詔卹貧民九年四月

郡國自公田賜貧人各有差後漢明紀

赦廣陵王荆詔十年

荆數年之間大罪二矣其赦荆罪不得臣其吏民袁宏後漢紀十

大赦詔十年四月戊子

昔歲五穀登衍今茲穢麥善收其大赦天下方盛夏長養之時蕩滌宿惡召報農功百姓勉務桑稼自備災害更敬厥職無令愆惰後漢明紀

手詔東平王國傳十一年

後漢明紀

辭別之後，獨坐不樂。因就車歸，伏軾而吟，瞻望永懷，實勞我心。誦及采菽，日增歎息。日者問東平王處家何等最樂，王言爲善最樂。其言甚大，副是要腹矣。今送列侯印十九枚，諸王子年五歲已上能趨拜者，皆令帶之。後漢東平憲王蒼傳

申明科禁詔

十二年五月丙辰

昔曾閔奉親，竭歡致養。仲尼葬子，有棺無槨。喪貴致哀，禮存盛儉。今百姓送終之制，競爲奢靡。生者無擔石之儲，而財力盡于墳土。伏臘無糟糠，而牲牢兼于一奠。糜破積世之業，日供終朝之費。子孫飢寒，絕命于此。豈祖考之意哉？又車服制度，恣極耳目。田荒不耕，游食者眾。有司其申明科禁，宜于今者。宣下郡國。後漢明紀

巡行汴渠詔

十三年四月乙酉

自汴渠決敗六十餘歲，加頃年以來，雨水不時，汴流東侵，日月益甚。水門故處，皆在河中。藩濱廣溢，莫測圻岸。蕩蕩極望，不知綱紀。

今充豫之人多被水患乃云縣官不先人急好興它役又或曰爲河流入汴幽冀蒙利故曰左隄疆則右隄傷左右俱僵則下方傷宜任水勢所之使人隨高而處公家息壅塞之費百姓無陷溺之患議者不同南北異論朕不知所從久而不決今旣築隄理渠絕水立門河汴分流復其舊迹陶丘之北漸就壞墳故薦嘉玉絜牲引禮河神東過洛汭歎禹之績今五土之宜反其正色濱渠下田賦與貧人無令豪右得固其利庶繼世宗瓠子之作後漢明紀

還馮飭爵士詔

十四年

執金吾飭侍衛歷年數進忠言其還爵士封爲楊邑侯

袁宏後漢紀又王晦

引東觀漢記詔曰馮飭忠孝出  
入人倫數進忠言正諫賜召王缺

制詔許太后

十四年四月

國家始聞楚事幸其不然既知審實懷用悼灼庶欲宥全王身令保卒天年而王不念顧太后竟不自免此天命也無可奈何太后

其保養幼弱免強飲食諸許願王富貴人情也已詔有司出其有

謀者令安田宅

後漢楚王英傳

贖罪詔

十五年二月

亡命自殊死已下贖死罪賤四十匹右趾至髡鉗城旦春十四完城旦至司寇作五匹犯罪未發覺詔書到日自告者半入贖

後漢明紀

按驗聊令詔

後漢鄭弘傳注引謝承書云十五年

朕自治京師尚不能攘蝗聊令何人而令消弭遣按驗之

詔賚固

十六年

吏如班超何故不遣而更選乎今日超爲軍司馬令遂前功

後漢班超傳

傳

罪人徙邊詔

十六年九月

令郡國中都官死罪繫囚減死罪一等勿笞詣軍營屯朔方敦煌妻子自隨父母同產欲求從者恣聽之女子嫁爲人妻勿與俱謀

反大逆無道不用此書

後漢明紀

詔班固

十七年

司馬遷著書成一家之言揚名後世至己身陷刑之故反微文刺譏貶損當世非謚士也司馬相如洿行無節但有浮華之詞不周于用至于疾病而遺忠主上求取其書竟得頌述功德言封禪事忠臣効也至是賢遷遠矣

文選引序典

贖刑詔

十八年三月丁亥

其令天下亡命自殊死已下贖死罪繫三十匹右趾至髡鉗城旦春十四完城旦至司寇作五匹吏人犯罪未發覺詔書到自告者半入贖

後漢明紀

禱雨詔

十八年四月己未

自春以來時雨不降宿麥傷旱秋種未下政失厥中憂懼而已其賜天下男子爵人二級及流民無名數欲占者人一級鰥寡孤獨

篤癃貧不能自存者粟人三斛理冤獄錄輕贖二千石分禱五嶽

四瀆郡界有名山大川能興雲致雨者長吏各絜齋禱請冀蒙嘉

澍

後漢明紀

詔

尚書蓋古之納言出納朕命機事不密則害成可不慎歟

御覽百十二引

官儀引漢

謁者乃堯之尊官所目試舜賓于四門四門穆穆者也昔燕太子使荆軻劫秦王變起兩楹之間其後謁者持匕首刺腋高祖偃武行文故易之曰板

續漢百官志二注引荀爽晉百官表注

遺詔

十八年八月壬子

遵儉無起寢廟藏主于世祖廟更衣

續漢祭祀志下

無起寢廟藏主于光烈皇后更衣別室

後漢明紀

呂鄧禹爲太傅策

初卽位

高密侯鄧禹元功之首其目禹爲太傅

北堂書抄五十二引漢官儀明帝甲辰策書

計令九年

司隸校尉部刺史歲上墨綬長吏視事三歲已上理狀尤異者各一人與計偕上及尤不政理者亦目聞

後漢明紀

徙罪人令十七年

令武威張掖酒泉敦煌及張掖屬國繫囚右趾已下任兵者皆一切勿治其罪詣軍營

後漢明紀

報少傳桓榮書

爲太子時

陽昌童蒙承訓九載不深達師意而猥見褒獎非其實也夫五經之道廣大非天下之至精其孰能與于此自宰予之徒親事孔門閑邪昌度猶尚怠懈晝寢況于不才者乎苟非其人道不虛受冉求曰非不說子之道力不足者歸道受謝非所敢聞

袁宏後漢紀八

莊昌童蒙學道九載而典訓不明無所曉識夫五經廣大聖言幽

遠非天下之至精。豈能與于此。況臣不才。敢承誨命。昔之先師謝弟子者有矣。上則通達經旨。分明章句。下則去家慕鄉。求謝師門。今蒙下列。不敢有辭。願君慎疾。加餐重愛玉體。後漢桓榮傳此與袁宏紀各有

節

報中山王焉

二年

凡諸侯出境。必備左右。故夾谷之會。司馬曰從。今五國各官騎百人。稱妃前行。皆北軍胡騎。便兵善射。司不空發。中必決。皆夫有文事。必有武備。所曰重薄職也。王其勿辭。後漢中山王焉傳

書版

生非太公子。亦非文王也。張珍本東觀漢記十三年春二月帝耕善哉文王之遇藉田禮畢。賜飴者食。有諸生前舉手曰太公他帝書版。

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷三終

全後漢文卷三

明帝

士

全後漢文卷四

烏程嚴可均校輯

章帝一

帝諱炟，明帝第五子。永平三年立爲皇太子。十八年八月卽位。  
改元三建初元和章和，在位十三年。謚曰孝章皇帝。廟號肅宗。  
召趙憙爲太傅，牟融爲太尉。詔

永平十八年八月

朕以眇身託于王侯之上，統理萬機，懼失厥中，兢兢業業，未知所  
濟。庶惟守文之主，必建師傅之官。詩不云乎：「不愆不忘。」率由舊章。  
行太尉事節，鄉侯侯五世。書鈔五十二引東觀記作三世在位，爲國元老。司空融  
典職六年，勤勞不怠。其召憙爲太傅，融爲太尉，竝錄尚書事、三事  
大夫，莫可夙夜小雅之所傷也。予違汝弼，汝無面從。股肱之正義  
也。羣后百僚，勉思厥職，各貢忠誠。召輔不逮，申敕四方，稱朕意焉。

後漢章紀又見藝文類聚四十六引東觀漢記又四十八御覽二百七二十引漢官儀

日蝕求言詔

十月甲辰晦

朕日眇年奉承宗祖不能聿修洪業日致災眚思惟厥咎在于一人又羣司百僚其勉修所職各言其上封事靡有所諱袁宏後漢紀十

下詔告平陵令丞

告平陵令丞縣人故雲陽令朱勃建武中召伏波將軍爵土不傳上書陳狀不顧罪戾懷旌善之志有烈士之風詩云無言不讌無德不報其以縣見穀二千斛賜勃子若孫勿令遠詣後漢馬援傳注

記

報張酺辭典郡詔

經云身雖在外乃心不離王室典城臨民益所召報效也好醜必上不在遠近今賜裝三十萬其亟之官後漢張酺傳

實覈受廩詔建初元年正月

詔三州郡國方春東作恐人稍受廩往來煩劇或妨耕農其各實

姦尤貧者計所貸並與之流人欲歸本者郡縣其實廩令足還到聽過止官亭無雇舍宿長吏親躬無使貧弱遺脫小吏豪右得容姦妄詔書既下勿得稽阻刺史明加督察尤無狀者

後漢  
章紀

東作緩刑詔

正月丙寅

比年牛多疾疫墾田減少穀價頗貴人亡流亡方春東作宜及時務二千石勉勸農桑弘致勞來羣公庶尹各推精誠專急人事罪非殊死須立秋案驗有司明慎選舉進柔良退貪猾順時令理冤獄五教在寬帝典所美懼梯君子大雅所歎布告天下使明知朕意

後漢  
章紀又見袁宏後漢紀十一與此小異

地震舉賢良方正詔

三月己巳

朕已無德奉承大業夙夜慄慄不敢荒怠而災異仍見與政相應朕既不明涉道日寃又選舉乖實俗吏傷人官職耗亂刑罰不中可不憂與昔仲弓季氏之家臣子游武城之小宰孔子猶誨以賢

才問。召得人明政無大小。召得人爲本夫。鄉舉里選必累功勞。今刺史守相不明眞僞。茂才孝廉歲召百數。既非能顯而當授之政事。甚無謂也。每尋前世舉人貢士。或起颯畝不繫闕閣。敷奏召言。則文章可採。明試召功。則政有異迹。文質彬彬。朕甚嘉之。其令太傅三公中二千石二千石郡國守相舉賢良方正能直言極諫之士各一人。後漢章紀

封賈復子邯陰興子員詔

元年四月丙戌

蓋褒德賞功。興亡繼絕。所召昭孝事親。召旌善人。故仁不遺德。義不忘勞。先王之令典也。故特進膠東侯賈復佐命河北。列在元功。衛尉陰興忠貞愛國。先帝休之。今興子博。復孫敏頑。因失道自陷刑。召喪爵土。朕甚憐之。其封復子邯爲膠東侯。興子員爲濬陽侯。

袁宏後漢紀十

貶阜陵王延詔

十一月

王前犯大逆罪惡尤深有同周之管蔡漢之淮南經有正義律有  
明刑先帝不忍親親之恩枉屈大法爲王受愆羣下莫不惑焉今  
王曾莫悔悟悖心不移逆謀內瀆自子鮒發誠非本朝之所樂聞  
朕惻然傷心不忍致王于理今貶爵爲阜陵侯食一縣獲斯幸者  
侯自取焉於戲誠哉後漢阜陵賢王延傳

舉察奢僭詔

二年三月辛丑

比年陰陽不調饑饉屢臻深惟先帝憂人之本詔書曰不傷財不  
害人誠欲元元去末歸本而今貴戚近親奢縱無度嫁娶送終尤  
爲僭侈有司廢典莫肯舉察春秋之義呂貴理賤今自三公竝宜  
明糾非法宣振威風朕在弱冠未知稼穡之艱難區區管窺豈能  
照一隅哉其科條制度所宜施行在事者備爲之禁先京師而後  
諸夏後漢章紀

切責竇憲詔

三年

深思前過，奪主田園，時何用愈？趙高指鹿爲馬，久念使人驚怖。昔永平中，常令陰黨、陰博、鄧曇三人更相糾察，故諸豪戚莫敢犯法者。而詔書切切，猶呂舅氏田宅爲言。今貴主尙見枉奪，何況小人哉？國家棄憲袁宏紀作何況小民哉難附見袁宏後漢紀，如孤雛腐鼠耳。後漢書嘗傳汉

十一有刪節

詔賜賈貴人

建初四年八月甲午

賈貴人者，奉侍先帝，劬勞帷帳。建初之後，已至親供養長樂宮。昏定晨省，夙夜匪懈。今賜貴人王赤綬安車一駟，永巷宮人二百。御府雜帛二萬匹，大司農黃金千斤，錢二千萬。朕旣早離皇太后，幸復承子道，中心依依，昊天罔極。袁宏後漢紀十一

使諸儒共正經義詔

四年十一月壬戌

蓋三代導人敎學爲本。漢承暴秦，襲顯儒術，建立五經，爲置博士。其後學者精進，雖曰承師，亦別名家。孝宣皇帝已爲去聖久遠，學

不厭博故遂立大小夏侯尙書後又立京氏易至建武中復置顏氏嚴氏春秋大小戴禮博士此皆所㠯扶進微學尊廣道藝也中元元年詔書五經章句煩多議欲減省至永平元年長水校尉脩奏言先帝大業當以時施行欲使諸儒共正經義頗令學者得自助孔子曰學之不講是吾憂也又曰博學而篤志切問而近思仁在其中矣於戲其勉之哉後漢章紀

日食舉直言極諫詔五年二月庚辰

朕新離供養愆咎眾著上天降異大變隨之詩不云乎亦孔之醜又久旱傷麥憂心慘切公卿已下其舉直言極諫能指朕過失者各一人遣詣公車將親覽問焉其已巖穴爲先勿取浮華後漢章紀又見袁宏後漢紀十一作上天降異止于朕躬非羣司之咎朕而已公卿云云

禱雨詔

二月甲申

春秋書無麥苗重之也去秋雨澤不適今時復旱如炎如焚凶年

無時而爲備未至朕之不德上累三光震懼忉忉痛心疾首前代聖君博思咨諫雖降災咎輒有開匱反風之應今予小子徒慘慘而已其令二千石理冤獄錄輕繫羈五獄四瀆及名山能興雲致雨者冀蒙不崇朝偏雨天下之報務加肅敬焉後漢章紀

糾舉獄吏詔

三月甲寅

孔子曰刑罰不中則人無所措手足今吏多不良擅行喜怒或案不呂罪迫脅無辜致令自殺者一歲且多于斷獄甚非爲人父母之意也有司其議糾舉之後漢章紀

召直士補任外官詔

五月辛亥

朕思遲直士側席異聞其先至者各已發憤吐憇略聞子大夫之志矣皆欲置于左右顧問省納建武詔書又曰堯試臣召職不直已言語筆札今外官多曠竚可召補任後漢章紀

沛濟南等四王勿名詔

七年正月

後漢章紀

禮云伯父歸寧乃國詩云叔父建爾元子敬之至也昔蕭相國加以不名優忠賢也況兼親尊者乎其沛濟南東平中山四王讚皆

勿名

後漢東平王蒼傳

廢太子慶立子肇詔

六月甲寅

皇太子有失惑無常之性爰自孩乳至今益章恐襲其母凶惡之風不可已奉宗廟爲天下主大義滅親况降退乎今廢慶爲清河王皇子肇保育皇后承訓懷衽尊達善性將成其器蓋庶子慈母尚有終身之恩豈若嫡后事正義明哉今日肇爲皇太子

後漢清河孝王

傳

賜公卿助祭錢詔

八月甲辰

書云祖考來假明哲之祀子末小子質又菲薄仰惟先帝烝烝之情前修禘祭已盡孝敬朕得識昭穆之序寄遠祖之思今年大禮復舉加昌先帝之坐悲傷感懷樂昌迎來哀昌送往雖祭亡如在

王

而空虛不知所裁庶或饗之豈亡克恤肅雍之臣辟公之相皆助朕之依依今賜公錢四十萬卿半之及百官執事各有差後漢章紀

手詔賜東平王蒼

八月

骨肉天性誠不以遠近爲親疎然數見顏色情重惜時念王久勞思得還休欲署袁宏紀作歷時欲署大鴻臚奏不忍下筆願授小黃門中心

戀戀惻然不能言後漢東平王蒼傳又見袁宏後漢紀十一有刪節

行秋稼詔

九月甲戌

車駕行秋稼觀收穫因涉郡界皆精騎輕行無它輜重不得輒修橋道遠離城郭遣吏逢迎刺探起居出入前後臣爲煩擾勤務省約但患不能脫粟瓢飲耳所過欲令貧弱有利無違詔書後漢章紀

減刑詔

九月辛卯

天下繁囚減死一等勿笞詣邊戍妻子自隨占著所在父母同產欲相從者悉聽之有不到者皆曰乏軍興論及犯殊死一切募下

蠶室其女子宮繫囚鬼薪白粲已上皆減本罪各一等輸司寇作

亡命贖死罪入繩二十四匹右趾至罿鉗城旦春十五完城旦至

司寇三四吏人有罪未發覺詔書到自告者半入贖後漢  
章紀

詔敕荊州刺史謝夷吾

敕荊州刺史入傳錄見囚徒見長吏勿廢舊儀朕將覽焉後漢謝  
夷吾傳

注引謝承書御覽六百三十九引會稽典錄

得銅器又獲白鹿詔十月丙辰

上無明天子下無賢方伯人之無良相怨一方斯器亦曷爲來哉

後漢  
章紀

令馬光就國詔八年

舅氏一門俱就國封四時陵廟無助祭先后者朕甚傷之其令許

侯思憲田廬有司勿復請以慰朕渭陽之情後漢馬  
防傳

切責李邑八年

縱超擁愛妻抱愛子思歸之士千餘人何能盡與超同心乎

後漢  
班超

傳案是時李邑已列于  
獨知此是詔敕非面語也

詔班超

八年

若邑任在外者便畱與從事

後漢班  
超傳

東巡過菑縣詔

八年十二月

陳留菑縣其名不善高祖鄙柏人之邑世宗休聞喜而顯獲嘉應  
亭吉元符嘉皇靈之願賜越有光列考武皇其改菑縣曰考城

水經  
注

令選高才生受古學詔

十二月戊申

五經剖判去聖彌遠章句遺辭乖疑難正恐先師微言將遂廢絕  
非所已重稽古求道真也其令羣儒選高才生受學左氏穀梁春  
秋古文尚書毛詩召扶微學廣異義焉

後漢章紀又見袁宏  
後漢紀十二有小異

四科取士詔

十二月己未

辟士四科其一曰德行高妙志節清白二曰經明行修能任博十  
三曰明曉法律足以決疑能案章覆問才任御史四曰剛毅多略  
自今已後審四科辟召及刺史二千石察舉茂才尤異孝廉吏務

實校試已職有非其人不習曹事正舉者故不曰審法也

後漢和帝紀注

御覽六百二十八引漢官儀

案此光武詔章帝復申明之

### 勉勵鄧訓詔

陳留太守講授省中六年于茲經術明篤有医生解頤之風賜錢  
三十萬及刀劍衣服居家之具

御覽二百六十二引鄧氏家傳鄧訓字伯春爲陳留太守後漢儒林

傳作鄧馴

### 給流民公田詔

元和元年二月甲戌

王者八政已食爲本故古者急耕稼之業致耒耜之勤節用儲蓄  
已備凶灾是已歲雖不登而人無饑色自牛疫已來穀食連少良

傳作鄧馴

由吏敎未至刺史二千石不㠯爲負其令郡國募人無田欲徙它界就肥饒者恣聽之到在所賜給公田爲雇耕傭貸種餉貰與田器勿收租五歲除算三年其後欲還本鄉者勿禁後漢章紀

禁酷刑詔

七月丁未

律云掠者唯得榜笞立又令丙筮長短有數自往者大獄已來掠考多酷鉛鑽之屬慘苦無極念其痛毒休然動心書曰鞭作官刑豈云若此宜及秋冬理獄明爲其禁後漢章紀

改元元和詔

八月癸酉

朕道化不德吏政失和元元未諭抵罪于下寇賊爭心不息邊野邑屋不修永惟庶事思稽厥衷與凡百君子共弘斯道中心悠悠將何已寄其改建初九年爲元和元年郡國中都官繫囚減死一等勿笞詣邊縣妻子自隨占著在所其犯殊死一切募下糶室其女子宮繫囚鬼薪白粲呂上皆減本罪一等輸司寇作亡命者贖

各有差

後漢  
章紀

蠲除禁錮詔

十二月壬子

書云。父不慈子不祇。兄不友弟不恭。不相及也。往者妖言大獄所及廣遠。一人犯罪。禁至三屬。莫得垂纓士宦。王朝如有賢才而沒齒無用。朕甚憐之。非所謂與之更始也。諸呂前妖惡禁錮者。一皆蠲除之。呂明棄咎之路。但不得在宿衛而已。

後漢  
章紀

審試嚴崇子宣詔

元年

崇子學審曉律。別其族。協其聲者。審試不得依託父學。呂聾爲聰。聲微妙。獨非莫知。獨是莫曉。呂律錯吹。能知命十二律。其中不失

一。乃爲能傳崇學耳。

續漢律麻志上。又晉律麻志六宋書麻志。一崇作嵩。

召嚴宣補學官主調樂器詔

嵩子學審曉律。別其族。協其聲者。審試不得依託父學。呂聾爲聰。聲微妙。獨非莫知。獨是莫曉。呂律錯吹。能知命十二律。其二中不

失一、乃爲能傳嵩學耳。

晉律麻志六元年

詔告廬江太守東平相

後漢鄭均傳

議郎鄭均，束脩安貧，恭儉節整。前在機密，已病致仕。守善貞固，黃  
髮不怠。又前安邑令毛義，躬履遜讓，比徵辭病，淳潔之風。東州稱  
仁，書不云乎？章厥有常吉哉？其賜均義穀各千斛，常以八月長吏  
存問，賜羊酒，顯茲異行。

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷四終